

AGM lulus tangguh pemilihan Umno
Malaysiakini.com
Disember 1 ,2011
by Jimadie Shah Othman

Perhimpunan Agung Umno hari ini meluluskan usul menangguhkan pemilihannya di semua peringkat Majlis Tertinggi, bahagian dan cawangan.

Usul yang dibentangkan Setiausaha Agung Datuk Seri Tengku Adnan Tengku Mansor itu diluluskan sebulat suara melalui undi mengangkat tangan.

Tiada sebarang bantahan dibuat daripada 2,600 perwakilan yang hadir.

Tengku Adnan ketika membentangkan usul itu berkata, ia akan ditangguhkan tidak lebih 18 bulan dari tarikh sepatutnya, selaras dengan fasal 10(16) perlembagaan parti.

Pemilihan itu sepatutnya diadakan tahun ini.

Pemerhati politik berpendapat tindakan itu bagi mengelak kemungkinan berlaku perpecahan dalam parti di ambang pilihan raya umum ke-13 yang dijangka tidak lama lagi.

Copyright © 1999-2007 Mkini Dotcom Sdn. Bhd
<http://www.malaysiakini.com/news/182898>